



Tarifas para servizos de auga e sumidoiros

Foz



TARIFAS PARA SERVICIOS DE AUGA E SUMIDOIROS

As tarifas de auga e sumidoiros están destinadas a financiar os custos de operación e mantemento das instalacións de auga potable e sumidoiros, así como outros custos relacionados coa xestión destes servizos.

As tarifas dos servizos municipais adoitan constar de conceptos de contía fixa e outras tarifas variables, que dependen do volume de auga consumida. Entre as cotas fixas atópanse, segundo o municipio, conceptos como a cota de servizo, a cota de mantemento de contadores, o mínimo, as cotas de investimento, etc.

As cotas variables dependen do volume de auga consumida. En moitos municipios, co obxectivo de fomentar o aforro de auga, establécense diferentes bloques de consumo cun prezo crecente. Deste xeito, os usuarios cun consumo moderado de auga soportan un prezo por metro cúbico inferior ao daqueles que realizan un consumo elevado. A finalidade de fomentar o aforro de auga conséguese establecendo diferentes bloques de consumo con prezos crecentes.



BOP

MÉRCORES, 10 DE ABRIL DE 2024

N.º 083

DEPUTACIÓN DE LUGO

boletin@deputacionlugo.org
www.deputacionlugo.gal

Dep. Legal: LU-1-1968

Administración: San Marcos, 8 - 27001 Lugo
Tel.: 982 260 124/25/26 - Fax: 982 260 205

EXCMA. DEPUTACIÓN PROVINCIAL DE LUGO

SERVIZO DE CONTRATACIÓN E FOMENTO. UNIDADE DE OBRAS E PLANS

Anuncio

INFORMACIÓN PÚBLICA

Polo órgano competente desta Deputación foi tomado en consideración o proxecto da obra:

2024/CON_02/000023.- COSPEITO.- REHABILITACIÓN DE FIRME LU-P-1701 "FEIRA DO MONTE (LU-111) - MUIENTA (LU-120)", P.K. 0+000 A 6+000.

2024/CON_02/000025.- GUNTIN - FRIOL - PALAS DE REI.- REHABILITACIÓN DE FIRME LU-P-2901 "LU-232 - O BURGO - PALAS DE REI (N-547)", P.K 18+445 A 21+370.

2024/CON_02/000026.- PARADELA - O SAVIÑAO.- REHABILITACIÓN DE FIRME REGOS CON GRAVILLA LU-P-4201 "PACIOS (LU-633) - MOSTEIROVELLO - LU-611" P.K. 8+083 A 11+852.

En cumprimento do que se dispón no art. 93 do T.R.R.L aprobado por R.D.L. 781/86, e demais normativa de aplicación, ábrese un período de información pública para os efectos de alegacións, reclamacións ou suxestións por parte de persoas ou entidades lexitimadas, por espazo de VINTE (20) días hábiles contados a partir do seguinte á publicación deste edicto no Boletín Oficial da Provincia, de conformidade e aos efectos establecidos no Art. 93 do Real Decreto Lexislativo 781/1986, de 18 de Abril e no Art. 83 da Lei 39/2015, de 1 de outubro, de Procedemento Administrativo Común das Administracións Públicas.

O devandito proxecto estará a disposición no portal de transparencia da Deputación Provincial <https://portaltransparencia.deputacionlugo.org>

Lugo, 5 de abril de 2024.- O SECRETARIO. P.S. A Secretaria-Interventora, Leticia Rodríguez Díaz.

R. 0928

FOZ*Anuncio*

Ao non haberse presentado reclamacións durante o prazo de exposición ao público, queda automaticamente elevado a definitivo o acordo plenario inicial de data 25 de xaneiro de 2024, aprobatorio da ORDENANZA MUNICIPAL QUE REGULA AS PRESTACIÓNS PATRIMONIAIS DE CARÁCTER PÚBLICO NON TRIBUTARIAS (PPCPNT) POLOS SERVIZOS PÚBLICOS MUNICIPAIS CORRESPONDENTES AO CICLO INTEGRAL DA AUGA: SUBMINISTRACIÓN DE AUGA POTABLE, REDE DE SANEAMENTO E DEPURACIÓN DE AUGAS RESIDUAIS DO CONCELLO DE FOZ

O texto íntegro da devandita Ordenanza faise público en cumprimento do artigo 17.4 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo.

ORDENANZA REGULADORA DAS PRESTACIÓNS PATRIMONIAIS DE CARÁCTER PÚBLICO NON TRIBUTARIAS (PPCPNT) POLOS SERVIZOS PÚBLICOS MUNICIPAIS CORRESPONDENTES AO CICLO INTEGRAL DA AUGA: SUBMINISTRACIÓN DE AUGA POTABLE, REDE DE SANEAMENTO E DEPURACIÓN DE AUGAS RESIDUAIS DO CONCELLO DE FOZ

Exposición de motivos

Consonte ao previsto no artigo 40.1 da Lei 9/2010, de augas de Galicia, as Administracións titulares dos servizos de abastecemento e saneamento e depuración de augas, esixirán os tributos que lles correspondan de acordo co previsto na normativa de facendas locais, tendo en conta o principio de

recuperación dos custes dos servizos relacionados coa auga, incluídos os custes medioambientais, e, particularmente, consonte co principio de quen contamina paga.

En tal sentido, a licitación dos servizos anteditos para a súa xestión indirecta, fai preciso aprobar as tarifas pola prestación dos servizos a través da presente Ordenanza, na modalidade de prestacións patrimoniais de carácter público non tributarias.

Polo tanto, e con pleno respecto dos principios consagrados nos arts. 128 e seguintes da Lei 39/2015, do 1 de outubro, de procedemento administrativo das Administracións Públicas, o Concello de Foz establece e regula as prestacións patrimoniais de carácter público non tributarias pola prestación dos servizos públicos de competencia local correspondentes ao Ciclo Integral da Auga, que abrangue os servizos de subministración de auga potable, e de saneamento e depuración de augas residuais, mediante esta Ordenanza, medio legalmente esixido, como de menor intervención, e sempre tentando facilitar aos interesados o máis sinxelo cumprimento das obrigas nela contidas, a fin de obter os ingresos públicos minimamente precisos para garantir a continuidade do servizo e a súa viabilidade económica.

Capítulo I. Disposicións xerais

Artigo 1.- Obxecto e fundamento.

De acordo coas facultades concedidas a esta entidade local polo artigo 20.6 do Real decreto lexislativo 2/2004, do 5 de marzo, polo que se aprobou a Lei reguladora das facendas locais, e na Disposición Adicional Primeira da Lei 58/2003, do 17 de decembro, Xeral Tributaria, tras a modificación operada nos referido textos legais polas Disposicións Finais Undécima e Duodécima da Lei 9/2017, do 8 de novembro, de Contratos do Sector Público, o Concello de Foz establece as prestacións patrimoniais de carácter público non tributarias pola prestación dos servizos públicos de competencia local correspondentes ao Ciclo Integral da Auga, que abrangue os servizos de subministración de auga potable, saneamento e depuración de augas residuais, que se rexerá pola presente Ordenanza.

Capítulo II. Prestacións patrimoniais de carácter público no tributario do servizo de abastecemento de auga potable

Artigo 2. Obxecto da prestación e servizos prestados.

1.- Constitúe o obxecto da presente prestación patrimonial de carácter público a recepción dos servizos, que a continuación se detallan, prestados polo Concello de Foz en réxime de xestión indirecta, baixo a modalidade de concesión. En particular, a regulación das tarifas pola prestación dos servizos de subministración de auga potable e outras actividades conexas e complementarias de tales servizos.

2.- Os servizos que se prestan concrétnanse na dispoñibilidade real ou potencial, ou uso efectivo e posible, dos servizos de abastecemento.

3.- Dentro da zona urbana, tódolos inmobles que dispoñan de acometida de abastecemento deberán aboar a cota fixa, aínda cando se atopen sen uso ou desocupados. Dita cota continuará devindicándose mentres exista a cometida á rede xeral, con independencia da situación de alta, baixa, ou suspensión do subministro cando proceda.

4.- Entenderase como vivenda susceptible de ser habitada aquela que dispoña dos servizos que posibilitan a súa ocupación: subministración de enerxía eléctrica e redes de abastecemento de auga e saneamento, no seu caso, agás no caso de que o inmovle estea declarado en estado de ruína ou presente síntomas manifestos que impidan o uso residencial, circunstancia que deberá acreditarse por informe dos servizos técnicos municipais.

5.- Presumirase que unha vivenda está ocupada cando se produza consumo de auga, de enerxía eléctrica ou de calquera outra subministración.

Artigo 3. Obrigados ao pagamento.

1.- É suxeito obrigado ao pagamento a persoa física ou xurídica así como as entidades sen personalidades xurídica, tales como comunidades de bens ou herdanzas xacentes que utilicen ou se beneficien dos servizos prestados.

A titularidade do servizo será a nome do propietario da vivenda, local ou industria independentemente que o recibo poida ser aboado polo arrendatario ou ocupante das mesmas.

2.- Serán responsables subsidiarios do pagamento os propietarios dos inmobles nos que se presten os servizos, os cales poderán repercutir, no seu caso, as cotas satisfeitas sobre os respectivos beneficiarios do servizo.

Artigo 4. Tarifas do servizo de abastecemento.

1.- O importe das tarifas pola prestación dos servizos establécese da seguinte forma:

a) Pola cota fixa de servizo establecida en cada caso máis a cota de variable.

- b) A cota variable estará determinada polo volume de auga consumida por contador. Será o produto do volume de auga consumida por contador por cada bimestre, expresada en metros cúbicos multiplicada polo prezo por metro cúbico correspondente ao tramo de consumo e o grupo de actividade do que se trate.
- c) No suposto de que non se practique tal medición por causa imputable ao abonado, establécese unha cota variable de 30 m3 bimensuais no caso de usos domésticos e de 60 m3 bimensuais no caso de usos industriais.
- d) No caso de usuarios domésticos, se a falta de medición se debe á carencia de contador, notificaráselle ao abonado a necesidade de instalación de tal aparello. Pasados tres meses desde o dito aviso sen que se proceda á colocación do contador sen alegar causa xustificada, a cota estimarase en 90 m3 bimensuais, sen prexuízo das sancións que se podan impoñer en aplicación da normativa sectorial e municipal vixente en cada momento.

2.- No seguinte cadro fixanse as cotas para cada uso (doméstico e comercial ou industrial).

CADRO I: Cotas servizo de abastecemento

Uso Doméstico e Comercial		Uso Industrial	
Tarifa		Tarifa	
Cota Fixa	10,5600 Eur/Bim	Cota Fixa	10,5600 Eur/Bim
Menos de 10 m³ bimestre	0,0880 Eur/m³	Menos de 10 m³ bimestre	0,1760 Eur/m³
Dende 10 a 25 m³ bimestre	0,3520 Eur/m³	Dende 10 a 50 m³ bimestre	0,5280 Eur/m³
Dende 25 a 50 m³ bimestre	1,0560 Eur/m³	Máis de 50 m³ bimestre	0,9504 Eur/m³
Máis de 50 m³ bimestre	1,5840 Eur/m³		

Mantemento de contador:

Ata 15 mm	1,0560 Euros/bimestre
De 18 a 25 mm	1,2496 Euros/bimestre
Máis de 25 mm	1,9008 Euros/bimestre

Artigo 5. Nacemento da obriga de pagamento

1. A obrigación de pago nace cando se inicie a actividade municipal de prestación do servizo que constitúe o seu suposto de esixencia, concretamente o abastecemento de auga potable.

Enténdese que nace a obrigación de pago cando se formalice o oportuno contrato de abonado, ou no seu caso, desde que teña lugar a efectiva acometida á rede de abastecemento municipal ou a mesma debera terse solicitado.

O nacemento da obrigación de pago da tarifa por esta última modalidade producirase con independencia de que se obtivo ou non a licenza de acometida e sen prexuízo da iniciación do expediente que poida tramitarse para a súa autorización.

2. A obrigación de pago polos servizos a que se refire o artigo 4, cando se trate de actividades ou servizos de tracto sucesivo ou aos que corresponde facturación periódica, nacen o momento en que se formalice o contrato ou póliza de abono e, cando se trate de actividades puntuais, nacen cando se solicita á entidade xestora o servizo ou, no seu caso, cando pola mesma realízanse as actividades que dan dereito ao seu esixencia.

Artigo 6. Normas de xestión

1.- Entenderase por abonado, para os efectos desta ordenanza, toda persoa natural capacitada legalmente para contratar, ou xurídica á que se lle concedese a prestación do servizo de auga.

2.- A contratación realizarase nas oficinas da entidade xestora do servizo.

3.- Os abonos para o servizo solicitaranse calquera que sexa o uso ao que se destinan, mediante a oportuna petición de alta e subscripción do contrato de abono, no que o interesado declarará ademais da filiación e domicilio, fin e uso ao que destinará a auga, fronte da vivenda, e demais datos complementarios para o perfecto coñecemento e determinación da clase e importancia do servizo que se pretenda e concesión e instalación do aproveitamento. As peticións levarán implícito o compromiso do peticionario a cumprir as disposicións consignadas na presente ordenanza.

4.- Os contratos de abono serán facilitados ou cubertos gratuitamente pola oficina do servizo da entidade xestora.

5.- A alta no servizo produce de forma automática a alta na rede de saneamento e no servizo de depuración.

6.- A xestión, liquidación e recadación desta prestación patrimonial de carácter público realizarase conforme ao disposto nesta Ordenanza e, con carácter supletorio, conforme ao disposto na Lei Xeral Tributaria e Regulamento Xeral de recadación.

7.- Corresponderán á entidade xestora do servizo as operacións materiais de dita xestión, agás as relativas á recadación en vía executiva.

8.- As liquidacións practicadas en virtude desta Ordenanza serán obxecto de aprobación polo órgano competente do Concello de Foz.

Artigo 7.- Liquidación e ingreso

A liquidación e ingreso da prestación patrimonial de carácter público non tributario, obedecerá ás seguintes normas:

a) Abastecemento de auga: mediante lectura periódica do aparato contador, facturándose o consumo en recibo bimensual que será abonado nos prazos de pago previstos no acordo de aprobación adoptado polo Concello.

b) O pago do recibo -unificado de auga e saneamento e depuración- efectuarase preferentemente mediante domiciliación bancaria.

c) Os recibos impagados serán exaccionados pola vía administrativa de prema.

d) As tarifas establecidas neste ordenanza non inclúen o Imposto do Valor Engadido (IVE) que lles será de aplicación en cada caso conforme á normativa vixente.

e) A declaración do inmovible estado de ruína ou presente síntomas manifestos que impidan o uso residencial, deberá ser comunicado polo abonado interesado que solicitará a correspondente baixa no servizo. En caso contrario, o abonado continuará suxeito ao pago da prestación e ás demais responsabilidades que poidan derivarse do uso do servizo.

Capítulo III. Prestacións patrimoniais de carácter público no tributario do servizo de saneamento

Artigo 8.- Obxecto da prestación e servizos prestados.

1.- Constitúe o obxecto da presente prestación patrimonial de carácter público a recepción dos servizos, que a continuación se detallan, prestados polo Concello de Foz en réxime de xestión indirecta, baixo a modalidade de concesión. En particular, a regulación das tarifas pola prestación dos servizos de saneamento e outras actividades conexas e complementarias de tal servizo.

2.- A este respecto, os servizos que se prestan concrétnanse na dispoñibilidade real ou potencial, ou uso efectivo e posible, dos usos das redes de saneamento, entre os que se atopan:

a) A actividade municipal, técnica e administrativa, tendente a verificar se se dan as condicións necesarias para autorizar a acometida á rede de saneamento municipal.

b) A prestación dos servizos de evacuación de excretas, augas pluviais, negras e residuais, a vivendas, aloxamentos, locais, establecementos ou parcelas, a través da rede de saneamento municipal.

3.- Os servizos indicados no apartado 2 a) e b) do presente artigo serán de recepción obrigatoria, polo que en consecuencia, todos os inmoables enclavados a distancia inferior a cen metros dalgunha arteria da rede de saneamento, deberán estar dotados destes servizos percibíndose as cotas correspondentes aínda cando os suxeitos pasivos non realicen o enganche á rede xeral, ou incluso se o inmovible se atope sen uso ou sen ocupar, neste caso aboarase a cota fixa.

4.- Entenderase como vivenda susceptible de ser habitada aquela que dispoña dos servizos que posibilitan a súa ocupación: subministración de enerxía eléctrica e redes de abastecemento de auga e saneamento, no seu caso, agás no caso de que o inmovible estea declarado en estado de ruína ou presente síntomas manifestos que impidan o uso residencial, circunstancia que deberá acreditarse por informe da Policía Local ou, no seu caso, polos servizos técnicos municipais.

5.- Presumirase que unha vivenda está ocupada cando se produza consumo de auga, de enerxía eléctrica ou de calquera outra subministración.

Artigo 9.- Obrigados ao pagamento.

1.- É suxeito obrigado ao pagamento a persoa física ou xurídica así como as entidades sen personalidades xurídica, tales como comunidades de bens ou herdanzas xacentes que utilicen ou se beneficien dos servizos prestados.

A titularidade do servizo será a nome do propietario da vivenda, local ou industria independentemente que o recibo poida ser aboado polo arrendatario ou ocupante das mesmas.

2.- Serán responsables subsidiarios do pagamento os propietarios dos inmobles nos que se presten os servizos, os cales poderán repercutir, no seu caso, as cotas satisfeitas sobre os respectivos beneficiarios do servizo.

Artigo 10.- Tarifas do servizo de saneamento.

1- O importe das tarifas pola prestación dos servizos establécese da seguinte forma: Pola tarifa de servizo de saneamento anual.

2.- No cadro fíxase a cotas única de saneamento, así como, as cotas por acometida.

CADRO I: Cotas de servizo saneamento.

USO	IMPORTE
Tarifa anual de saneamento	12,689 euros/ano
Tarifa única de acometida á rede de vivendas	9,02 euros
Tarifa única de acometida á rede baixos comerciais	18,03 euros

Artigo 11.- Nacemento da obriga de pagamento

1.- A obrigación de pagamento nace cando se inicie a actividade municipal de prestación do servizo que constitúe o seu suposto de esixencia, concretamente a acometida á rede de saneamento, sexa na data de presentación da oportuna solicitude da licenza de acometida, se o solicitante a formulase expresamente, sexa desde que teña lugar a efectiva acometida á rede de saneamento municipal con independencia de que se obtivese ou non a licenza de acometida e sen prexuízo da iniciación do expediente administrativo que poida instruírse para a súa autorización.

Os servizos de evacuación de excretas, augas pluviais, negras e residuais teñen carácter obrigatorio para todos os terreos do municipio que teñan fachada a rúas, prazas ou vías públicas nas que exista a rede de saneamento, sempre que a distancia entre a rede e o terreo non exceda de cen metros, e percibirase a cota aínda cando os interesados non efectúen a acometida á rede.

2.- A obrigación de pago polos servizos a que se refire o artigo 4, cando se trate de actividades ou servizos de tracto sucesivo ou aos que corresponde facturación periódica, nace no momento en que se formalice o contrato ou póliza de abono e, cando se trate de actividades puntuais, nacen cando se solicita á entidade xestora o servizo ou, no seu caso, cando pola mesma realízanse as actividades que dan dereito ao seu esixencia.

Artigo 12.- Normas de xestión

1.- Os obrigados ao pago, segundo indícase no artigo 10 desta ordenanza, formularán as declaracións de alta e baixa nas oficinas da entidade xestora do servizo no prazo que media entre a data en que se produza a variación na titularidade do inmovble e o último día do mes natural seguinte. Estas últimas declaracións causarán efecto a partir da primeira liquidación que se practique unha vez rematado o prazo de presentación das ditas declaracións de alta e baixa.

2.- Igualmente, a alta no servizo farase de oficio unha vez concedida a licenza de acometida á rede ou ben se comprobe que os inmobles están enclavados a distancia inferior a cen metros dalgunha arteria da rede de saneamento.

3.- As cotas esixibles pola prestación dos servizos facturaránse e recadaránse polos por período anual, no recibo de subministración e consumo de auga do cuarto bimestre do ano.

4.- No suposto de licenza de acometida, o contribuínte formulará a oportuna solicitude á entidade xestora, unha vez concedida aquela, practicarán o ingreso que proceda, que será un ingreso con carácter previo a calquera actuación.

5.- As altas e baixas que se produzan no servizo de abastecemento de auga potable non causarán efecto con carácter automático no da rede de saneamento, así como na depuración.

Artigo 13.- Liquidación e ingreso

A liquidación e ingreso da prestación patrimonial de carácter público non tributario, obedecerá ás seguintes normas:

a) Saneamento: o pago do recibo de saneamento efectuarase preferentemente mediante domiciliación bancaria en recibo anual que será abonado nos prazos de pago previstos no acordo de aprobación adoptado polo Concello.

b) Os recibos impagados serán exaccionados pola vía administrativa de prema.

c) As tarifas establecidas neste ordenanza non inclúen o Imposto do Valor Engadido (IVE) que lles será de aplicación en cada caso conforme á normativa vixente.

e) A declaración do inmovible estado de ruína ou presente síntomas manifestos que impidan o uso residencial, deberá ser comunicado polo abonado interesado que solicitará a correspondente baixa no servizo. En caso contrario, o abonado continuará suxeito ao pago da prestación e ás demais responsabilidades que poidan derivarse do uso do servizo.

Capítulo IV. Prestacións patrimoniais de carácter público no tributario do servizo de depuración de augas

Artigo 14.- Obxecto da prestación e servizos prestados.

1.- Constitúe o obxecto da presente prestación patrimonial de carácter público a recepción dos servizos, que a continuación se detallan, prestados polo Concello de Foz en réxime de xestión indirecta, baixo a modalidade de concesión. En particular, a regulación das tarifas pola prestación ds servizo de depuración de augas residuais e outras actividades conexas e complementarias de tales servizos.

2.- A este respecto, os servizos que se prestan concrétnanse na dispoñibilidade real ou potencial, ou uso efectivo e posible, dos uso s das redes de saneamento e os servizos de saneamento e depuración de augas residuais, entre os que se atopan:

a) Tratamento das augas residuais nas EDAR municipais.

b) A recepción e tratamento do contido de fosas sépticas para o seu posterior tratamento e depuración, nas EDAR municipais.

3.- Os servizos indicados no apartado 2 a) do presente artigo serán de recepción obrigatoria, polo que en consecuencia, todos os inmoables enclavados a distancia inferior a cen metros dalgunha arteria da rede de saneamento, deberán estar dotados destes servizos percibíndose as cotas correspondentes aínda cando os suxeitos pasivos non realicen o enganche á rede xeral, ou incluso se o inmovible se atope sen uso ou sen ocupar, neste caso aboarse a cota fixa.

4.- Entenderase como vivenda susceptible de ser habitada aquela que dispoña dos servizos que posibilitan a súa ocupación: subministración de enerxía eléctrica e redes de abastecemento de auga e saneamento, no seu caso, agás no caso de que o inmovible estea declarado en estado de ruína ou presente síntomas manifestos que impidan o uso residencial, circunstancia que deberá acreditarse por informe da Policía Local ou, no seu caso, polos servizos técnicos municipais.

5.- Presumirase que unha vivenda está ocupada cando se produza consumo de auga, de enerxía eléctrica ou de calquera outra subministración.

6.- O servizo indicado no apartado b) será de recepción obrigatoria a tódalas fosas sépticas de vivendas ou fosas sépticas asimilables, sempre que a capacidade das instalacións municipais o permita.

7.- No caso de vivendas, locais comerciais e industriais situados a menos de cen metros dalgunha arteria da rede de saneamento, que dispoñan de subministración a través de comunidades de augas veciñais ou similares, ou ben, contén cun sistema de captación debidamente autorizado, deberán instalar un contador de medida que permita a súa lectura e comprobación por parte da entidade concesionaria do servizo ó obxecto de determinar a correspondente cota variable, polo que o devandito aparello deberá estar situado nun lugar accesible para o persoal lector desta empresa ou técnicos municipais.

9.- No suposto de non instalar este aparello de medida, nun prazo de tres meses dende a comunicación por parte da concesionaria, poderase facturar a cota estimada en 30 m3 bimensuais.

Artigo 15.- Obrigados ao pagamento.

1.- É suxeito obrigado ao pagamento a persoa física ou xurídica así como as entidades sen personalidades xurídica, tales como comunidades de bens ou herdanzas xacentes que utilicen ou se beneficien dos servizos prestados.

A titularidade do servizo será a nome do propietario da vivenda, local ou industria independentemente que o recibo poida ser aboadado polo arrendatario ou ocupante das mesmas.

2.- Serán responsables subsidiarios do pagamento os propietarios dos inmoables nos que se presten os servizos, os cales poderán repercutir, no seu caso, as cotas satisfeitas sobre os respectivos beneficiarios do servizo.

Artigo 16.- Tarifas do servizo de depuración

1- O importe das tarifas pola prestación dos servizos establécese da seguinte forma:

a) Pola cota/tarifa fixa de servizo establecida en cada caso máis a cota/tarifa variable.

b) A cota variable estará determinada polo volume de auga consumida por contador. Será o produto do volume de auga consumida por contador por cada bimestre, expresada en metros cúbicos multiplicada polo prezo por metro cúbico correspondente ao tramo de consumo e o grupo de actividade do que se trate.

c) No suposto de que non se practique tal medición por causa imputable ao abonado, establécese unha cota variable de 30 m3 bimensuais no caso de usos domésticos e de 60 m3 bimensuais no caso de usos industriais.

d) No caso de usuarios domésticos, se a falta de medición se debe á carencia de contador, notificaráselle ao abonado a necesidade de instalación de tal aparello. Pasados tres meses desde o dito aviso sen que se proceda á colocación do contador sen alegar causa xustificada, a cota estimarase en 90 m3 bimensuais, sen prexuízo das sancións que se podan impoñer en aplicación da normativa sectorial e municipal vixente en cada momento.

2.- No seguinte cadro fíxanse as cotas consumo para cada uso (doméstico e comercial ou industrial).

CADRO I: Cotas servizo de depuración

USO	CONSUMO	IMPORTE
DOMÉSTICO E COMERCIAL	Ata 30 m3/bimestre	12,3200 Eur/Bim
	Cada m³ adicional a 30 m3	0,1760 Eur/m3
INDUSTRIAL	Ata 30 m3/bimestre	19,3600 Eur/Bim
	Cada m³ adicional a 30 m3	0,7040 Eur/m3

Artigo 17.- Nacemento da obriga de pagamento

1.- A obrigación de pagamento nace cando se inicie a actividade municipal de prestación do servizo que constitúe o seu suposto de esixencia, concretamente o depuración de auga , sexa na data de presentación da oportuna solicitude da licenza de acometida, se o solicitante a formulase expresamente, sexa desde que teña lugar a efectiva acometida á rede de saneamento municipal con independencia de que se obtivese ou non a licenza de acometida e sen prexuízo da iniciación do expediente administrativo que poida instruírse para a súa autorización.

2.- A obrigación de pago cando se trate de actividades ou servizos de tracto sucesivo ou aos que corresponde facturación periódica, nace no momento en que se formalice o contrato ou póliza de abono e, cando se trate de actividades puntuais, nacen cando se solicita á entidade xestora o servizo ou, no seu caso, cando pola mesma realízanse as actividades que dan dereito ao seu esixencia.

Artigo 18.- Normas de xestión

1.- Os obrigados ao pago, segundo indícase no artigo 14 desta ordenanza, formularán as declaracións de alta e baixa nas oficinas da entidade xestora do servizo. no prazo que media entre a data en que se produza a variación na titularidade do inmovble e o último día do mes natural seguinte. Estas últimas declaracións causarán efecto a partir da primeira liquidación que se practique unha vez rematado o prazo de presentación das ditas declaracións de alta e baixa.

2.- Igualmente, a alta no servizo farase de oficio unha vez concedida a licenza de acometida á rede ou ben se comprobe que os inmovbles están enclavados a distancia inferior a cen metros dalgunha arteria da rede de saneamento.

3.- As cotas esixibles pola prestación dos servizos facturaranse e recadaranse polos mesmos períodos e nos mesmos prazos que os recibos de subministración de auga.

4.- No suposto de licenza de acometida, o contribuínte formulará a oportuna solicitude á entidade xestora, unha vez concedida aquela, practicarán a liquidación que proceda, que será liquidada con carácter previo a calquera actuación.

5.- As altas e baixas que se produzan no servizo de abastecemento de auga potable causarán efecto con carácter automático no da rede de saneamento, así como na depuración.

Artigo 19.- Liquidación e ingreso

A liquidación e ingreso da prestación patrimonial de carácter público non tributario, obedecerá ás seguintes normas:

- a) O pago do recibo unificado de auga, lixo e saneamento e depuración efectuarase preferentemente mediante domiciliación bancaria en recibo trimestral que será abonado nos prazos de pago previstos no acordo de aprobación adoptado polo Concello.
- b) Os recibos impagados serán exaccionados pola vía administrativa de prema.
- c) As tarifas establecidas neste ordenanza non inclúen o Imposto do Valor Engadido (IVE) que lles será de aplicación en cada caso conforme á normativa vixente.
- e) A declaración do inmovible estado de ruína ou presente síntomas manifestos que impidan o uso residencial, deberá ser comunicado polo abonado interesado que solicitará a correspondente baixa no servizo. En caso contrario, o abonado continuará suxeito ao pago da prestación e ás demais responsabilidades que poidan derivarse do uso do servizo.

Capítulo IV. Disposicións comúns ás prestacións patrimoniais**Artigo 20 . Normas comúns de xestión.**

1.- A facturación do importe resultante da aplicación das tarifas pola prestación dos servizos de carácter periódico regulados na presente ordenanza farase bimestralmente, en xeral, mediante recibo, fóra do caso de fraude que se fará por actas de inspección, así como, do servizo de saneamento que se practicará conforme ao previsto no artigo 12 desta ordenanza.

No devandito recibo poderán incluírse, no seu caso, outras tarifas, taxas, tributos ou prezos públicos municipais, tales como a taxa de lixo, canons autonómicos, etc.

2.- En caso de alta ou baixa dos servizos as cotas bimensuais se facturarán prorrateándose por días naturais, de maneira que, no trimestre no que se produza un alta, esixirase a cota que corresponda desde o día do alta ata o último día do trimestre, ambos inclusive, e, no bimestre no que se produza a baixa, esixirase a cota que corresponda desde o primeiro día do trimestre ata o día da baixa, ambos inclusive.

Disposición Final

1.- A presente ordenanza entrará en vigor unha vez que se publique o seu texto íntegro no Boletín Oficial da Provincia e transcorra o prazo previsto no artigo 70.2 en relación co artigo 65.2 da Lei 7/1985, de 2 de abril, Reguladora das Bases do Réxime Local.

2.- Para o non previsto na presente ordenanza, será de aplicación, subsidiariamente, o previsto no Real Decreto 2/2004, de 5 de marzo, polo que se aproba o Texto Refundido da Lei Reguladora das Facendas Locais, Lei 58/2003, do 17 de decembro, Xeral Tributaria e Regulamento Xeral de Recadación.

Disposición Derrogatoria

A aprobación definitiva da presente ordenanza fiscal conleva a derogación da vixente Ordenanza reguladora da taxa polo servizo municipal de rede de saneamento; da ordenanza reguladora da taxa por prestación de servizo de depuración de augas residuais, así como, da ordenanza reguladora da taxa polo servizo municipal de subministro de auga potable, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalación análogas, cando tales servizos ou subministros sexan prestados por entidades locais.

Contra o presente acordo, conforme ao artigo 19 do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, poderase interpor polos interesados recurso contencioso-administrativo, no prazo de dous meses contados a partir do día seguinte ao da publicación deste anuncio no Boletín Oficial da Provincia, ante o Tribunal Superior de Xustiza de Galicia .

Foz, 4 de abril de 2024.- O ALCALDE, FRANCISCO CAJOTO CASERIO.

R. 0922